

122

Na osnovu člana 61., a u vezi s članovima 9. i 15. Zakona o dopunskim pravima branilaca („Službene novine Srednjobosanskog kantona“, broj 7/16 – prečišćeni tekst), Kantonalna uprava za braniocce Srednjobosanskog kantona, uz saglasnost Vlade Srednjobosanskog kantona, donosi

**PRAVILNIK  
O IZMJENAMA PRAVILNIKA  
O OSTVARIVANJU PRAVA  
NA NOVČANU POMOĆ  
ZA NABAVKU ORTOPEDSKOG POMAGALA**

Član 1.

*(Izmjena)*

U Pravilniku o ostvarivanju prava na novčanu pomoć za nabavku ortopedskog pomagala („Službene novine Srednjobosanskog kantona“, broj 5/23) Član 9. mijenja se i glasi:

„Član 9.

**(Iznos novčane pomoći za nabavku  
ostalih ortopedskih pomagala)**

(1) Ratnom vojnom invalidu koji ispunjava uvjete utvrđene stavom (1) člana 6. ovog Pravilnika odobrit će se novčana pomoć za nabavku ortopedskog pomagala u novčanom iznosu kako slijedi:

- |                         |              |
|-------------------------|--------------|
| a) za slušni aparat     | 700,00 KM;   |
| b) za očnu protezu      | 1.000,00 KM; |
| c) za ortopedske cipele | 200,00 KM.   |

(2) Za ortopedsko pomagalo koje nije obuhvaćeno odredbama ovog Pravilnika može se odobriti novčana pomoć za nabavku u iznosu od 50 % vrijednosti ortopedskog pomagala, ali najviše u iznosu od 2.000,00 KM.“

Član 2.

*(Izmjena)*

Član 18. Pravilnika o ostvarivanju prava na novčanu pomoć za nabavku ortopedskog pomagala mijenja se i glasi:

„Član 18.

**(Usklađivanje iznosa pomoći za nabavku  
ortopedskih pomagala)**

(1) Iznos novčane pomoći za nabavku ortopedskih pomagala iz člana 7., 8., 9., 10. i 11. ovog Pravilnika usklađuje se s rastom prosječne netoplaće isplaćene u Federaciji Bosne i Hercegovine u prethodnoj godini.

(2) Vlada Srednjobosanskog kantona usklađuje iznos novčane pomoći za nabavku ortopedskih pomagala s rastom prosječne netoplaće isplaćene u prethodnoj godini u Federaciji Bosne i Hercegovine.

(3) Iznos novčane pomoći za nabavku ortopedskih pomagala usklađen prema odredbi iz stava (2) ovog člana utvrđuje se za period od maja tekuće do aprila sljedeće godine.“

Član 3.

*(Stupanje na snagu)*

Ovaj Pravilnik stupa na snagu sljedećeg dana od dana

objave u „Službenim novinama Srednjobosanskog kantona“.

Broj: 11-02-8564/23  
28. novembra 2023.  
Travnik

DIREKTOR  
KANTONALNE UPRAVE  
Esad Crnica, s. r.

Na ovaj Pravilnik o izmjenama Pravilnika o ostvarivanju prava na novčanu pomoć za nabavku ortopedskog pomagala, broj 11-02-8564/23 od 28. novembra 2023. godine, saglasnost je dala Vlada Srednjobosanskog kantona na 25. sjednici, održanoj 7. decembra 2023. godine, Odlukom o davanju saglasnosti, broj 01-11.7-9186/23 od 7. decembra 2023. godine.

123

Na osnovu člana 61. Zakona o dopunskim pravima branilaca („Službene novine Srednjobosanskog kantona“, broj 7/16 – prečišćeni tekst), Kantonalna uprava za braniocce, uz saglasnost Vlade Srednjobosanskog kantona, donosi

**PRAVILNIK  
O OSTVARIVANJU PRAVA  
NA NOVČANU POMOĆ**

DIO PRVI – UVOD

Član 1.

*(Svrha)*

Ovim Pravilnikom utvrđuju se uvjeti i postupak ostvarivanja prava na jednokratne novčane pomoći braniocima i članovima njihovih porodica koji imaju prebivalište na području Srednjobosanskog kantona (u daljnjem tekstu Kanton).

Član 2.

*(Branilac)*

Branilac, u smislu ovog Pravilnika, pripadnik je Hrvatskog vijeća obrane, Armije Republike Bosne i Hercegovine te policije nadležnog organa unutrašnjih poslova koji je učestvovao u odbrani Bosne i Hercegovine od 18. septembra 1991. godine do 23. decembra 1996. godine, odnosno do prestanka neposredne ratne opasnosti.

Član 3.

*(Član porodice branioca)*

(1) Članom porodice branioca, u smislu ovog Pravilnika, smatraju se:

- a) suprug odnosno supruga;
- b) roditelji branioca;
- c) djeca rođena u braku ili izvan braka, usvojenici i pastorki do navršene 25. godine života.

(2) Iznimno, djeca branitelja rođena u braku ili izvan braka, usvojenici i pastorki bez obaju roditelja ostvaruju pravo na novčanu pomoć prema odredbama ovog Pravilnika dok se nalaze na evidenciji Službe za zapošljavanje Srednjobosanskog

kantona, a najduže do navršene 35. godine života.

(3) Izuzetno, djeca branilaca rođena u braku ili izvan braka, usvojenici i pastoreci te braća i sestre branilaca koji su u propisanom postupku ostvarili svojstvo civilnog invalida prve skupine invalidnosti i pravo na pomoć i njegu prve skupine invalidnosti ostvaruju pravo na novčanu pomoć prema odredbama ovog Pravilnika dok ta invalidnost traje.

## DIO DRUGI – IZUZETNO TEŠKA ZDRAVSTVENA SITUACIJA

### Član 4.

#### (Izuzetno teška zdravstvena situacija)

(1) Pravo na novčanu pomoć, u smislu ovog Pravilnika, ostvaruje branilac ili supružnik umrlog branioca ako se on ili član njegove porodice nalazi u izuzetno teškoj zdravstvenoj situaciji.

(2) Izuzetno teškom zdravstvenom situacijom smatra se bolničko liječenje branioca ili člana njegove porodice koje nije bilo ranije od šest mjeseci računajući od dana predaje zahtjeva za pomoć u liječenju.

(3) Izuzetno, izuzetno teškom zdravstvenom situacijom smatra se bolničko liječenje branioca zbog psihičke bolesti, iz bilo kojeg perioda od pristupanja Oružanim snagama do dana predaje zahtjeva za pomoć u liječenju, te ako se iz priloženih medicinskih nalaza vidi da postoji kontinuitet u liječenju te bolesti.

(4) Izuzetno teškom zdravstvenom situacijom smatra se zdravstveno stanje branioca ili člana njegove porodice koje je u zakonom propisanom postupku dovelo do ostvarivanja svojstva civilni invalid prve grupe invalidnosti te prava na pomoć i njegu prve grupe.

(5) Izuzetno teškom zdravstvenom situacijom smatra se i sufinansiranje nabavke ortopedskog pomagala za branioca ili člana njegove porodice ako je ortopedsko pomagalo potrebno radi funkcije organa vitalnih za život (srca, pluća, jetre, bubrega) te zbog nemogućnosti samostalnog kretanja, amputacije dijela tijela, enukleacije oka, oštećenja sluha, oštećenja govora i bolesti kičmenog stupa, kao i ugradnje endogene proteze kuka i endogene proteze koljena.

(6) Lice iz stava (1) ovog člana pomoć za izuzetno tešku zdravstvenu situaciju može ostvariti nakon obavljenog liječenja lica iz stavova (2), (3) i (4) odnosno nakon nabavke ortopedskog pomagala iz stava (5) ovog člana.

### Član 5.

#### (Dokumentacija potrebna za ostvarenje prava na novčanu pomoć u liječenju)

(1) Branilac ili supružnik umrlog branioca, uz zahtjev za novčanu pomoć za iznimno tešku zdravstvenu situaciju, prilaže:

a) potvrdu/uvjerenje o prebivalištu (koja nije starija od 60 dana, original);

b) izjavu o zajedničkom domaćinstvu (koja nije starija od 60 dana, original), ako se radi o liječenju člana porodice branioca;

c) rješenje o porodičnoj invalidnini;

d) rješenje o ličnoj invalidnini;

e) potvrdu/uvjerenje o statusu člana porodice poginulog

branioca (koja nije starija od 60 dana, original ili ovjerenu kopiju);

f) potvrdu/uvjerenje o statusu ratnog vojnog invalida (koja nije starija od 60 dana, original ili ovjerenu kopiju);

g) potvrdu/uvjerenje o pripadnosti Oružanim snagama (koja nije starija od 12 mjeseci, original ili ovjerenu kopiju);

h) otpusnicu iz bolnice (koja nije starija od šest mjeseci, ovjerenu kopiju);

i) otpusnicu iz bolnice iz bilo kojeg razdoblja od stupanja u Oružane snage i medicinsku dokumentaciju koja dokazuje kontinuitet u liječenju psihičke bolesti;

j) potvrdu/uvjerenje centra za socijalni rad o statusu civilnog invalida (koja nije starija od 60 dana, original);

k) kopiju kartice tekućeg računa.

(2) Uz dokumentaciju iz stava (1) ovog člana može se tražiti i druga dokumentacija koja je potrebna za utvrđivanje pravno relevantnih činjenica neophodnih za donošenje rješenja o ostvarivanju prava na novčanu pomoć u liječenju.

(3) Otpusnicom iz bolnice, u smislu ovog Pravilnika, ne smatra se otpusnica iz banjsko-klimatskog lječilišta.

(4) Otpusnicom iz bolnice, u smislu ovog Pravilnika, ne smatra se otpusnica ako liječenje nije trajalo minimalno tri dana s najmanje dva noćenja u bolnici.

### Član 6.

#### (Iznosi novčane pomoći za liječenje)

(1) Braniocu iz stava (2) člana 4. ovog Pravilnika kojem je transplantiran organ odobrava se novčana pomoć u iznosu od 3.000,00 KM.

(2) Braniocu iz stava (2) člana 4. ovog Pravilnika koji se liječio izvan Kantona odobrava se novčana pomoć u iznosu od 600,00 KM.

(3) Braniocu iz stava (2) člana 4. ovog Pravilnika koji se liječio na području Kantona odobrava se novčana pomoć u iznosu od 400,00 KM.

(4) Braniocu iz stava (3) člana 4. ovog Pravilnika odobrava se novčana pomoć u iznosu od 300,00 KM.

(5) Braniocu i djetetu poginulog branioca iz stava (4) člana 4. ovog Pravilnika odobrava se novčana pomoć u iznosu od 1.500,00 KM.

(6) Članu porodice branioca iz stava (4) člana 4. ovog Pravilnika odobrava se novčana pomoć u iznosu od 600,00 KM.

### Član 7.

#### (Dokumentacija potrebna za pomoć u nabavci ortopedskog pomagala)

(1) Branilac ili supružnik umrlog branioca, uz zahtjev za novčanu pomoć u izuzetno teškoj zdravstvenoj situaciji za sufinansiranje nabavke ortopedskog pomagala, prilaže:

a) potvrdu/uvjerenje o prebivalištu (koja nije starija od 60 dana, original);

b) izjavu o zajedničkom domaćinstvu (koja nije starija od 60 dana, original), ako se radi o nabavci ortopedskog pomagala za člana porodice branioca;

c) rješenje o porodičnoj invalidnini;

d) rješenje o ličnoj invalidnini;

e) potvrdu/uvjerenje o statusu člana porodice poginulog branioca (koja nije starija od 60 dana, original ili ovjerenu

kopiju);

f) potvrdu/uvjerenje o statusu ratnog vojnog invalida (koja nije starija od 60 dana, original ili ovjerenu kopiju);

g) potvrdu/uvjerenje o pripadnosti Oružanim snagama (koja nije starija od 12 mjeseci, original ili ovjerenu kopiju);

h) medicinsku dokumentaciju iz koje je vidljiva potreba za pomagalom;

i) račun o nabavci ortopedskog pomagala, na ime, zajedno s fiskalnim računom (koji nije stariji od šest mjeseci, original ili ovjerenu kopiju);

j) kopiju kartice tekućeg računa.

(2) Uz dokumentaciju iz stava (1) ovog člana može se tražiti i druga dokumentacija koja je potrebna za utvrđivanje pravno relevantnih činjenica neophodnih za donošenje rješenja o ostvarivanju prava na novčanu pomoć u nabavi ortopedskog pomagala.

#### Član 8.

##### (Iznosi pomoći za nabavku ortopedskog pomagala)

Branioču iz stava (5) člana 4. ovoga Pravilnika za sufinansiranje nabavke ortopedskih pomagala novčana pomoć odobrava se u iznosima kako slijedi:

a) pomagalo za održavanje funkcije srca, pluća, jetre i bubrega, u visini 50 % cijene pomagala, a najviše do iznosa .....	2.000,00 KM;
b) invalidska kolica .....	1.500,00 KM;
c) potkoljenična proteza .....	1.000,00 KM;
d) natkoljenična proteza .....	1.200,00 KM;
e) podlaktična proteza .....	1.000,00 KM;
f) proteza šake .....	500,00 KM;
g) mioelektronička proteza .....	2.000,00 KM;
h) nadlaktična proteza .....	1.500,00 KM;
i) proteza stopala .....	400,00 KM;
j) endogena proteza kuka (za branioca) ...	1.500,00 KM;
k) endogena proteza kuka (za člana porodice branioca) .....	1.300,00 KM;
l) endogena proteza koljena (za branioca) .....	1.000,00 KM;
m) endogena proteza koljena (za člana porodice branioca).....	1.000,00 KM;
n) ortoza kičme (za branioca) .....	900,00 KM;
o) ortoza kičme (za člana porodice branioca) .....	700,00 KM;
p) slušni aparat (za branioca).....	800,00 KM;
q) slušni aparat (za člana porodice branioca).....	500,00 KM;
r) govorni aparat (za branioca) .....	1.000,00 KM;
s) govorni aparat (za člana porodice branioca) .....	500,00 KM;
t) proteza oka (za branioca) .....	800,00 KM;
u) proteza oka (za člana porodice branioca) .....	300,00 KM.

#### DIO TREĆI – TEŠKA MATERIJALNA SITUACIJA

#### Član 9.

##### (Izuzetno teška materijalna situacija)

(1) Pravo na novčanu pomoć, u smislu ovog Pravilnika, ostvaruje branilac ili supružnik umrlog branioca koji se nalazi u izuzetno teškoj materijalnoj situaciji.

(2) Izuzetno teškom materijalnom situacijom smatra se ako je branilac ili supružnik umrlog branioca korisnik stalne socijalne zaštite ili dječjeg doplatka prema rješenju nadležnog centra za socijalni rad.

(3) Visina pomoći u slučaju kada je branilac korisnik stalne socijalne zaštite određuje se zavisno o broju članova porodice, računajući branioca, njegova supružnika, djecu predškolskog uzrasta i djecu do navršene 25. godine života, ako se nalaze na redovnom školovanju.

(4) Visina pomoći u slučaju kada je branilac korisnik dječjeg doplatka određuje se zavisno o broju članova porodice, računajući branioca, njegova supružnika i djecu koja primaju dječji doplatok.

#### Član 10.

##### (Dokumentacija potrebna za ostvarenje prava na novčanu pomoć u izuzetno teškoj materijalnoj situaciji)

(1) Branilac ili supružnik umrlog branioca, uz zahtjev za novčanu pomoć za izuzetno tešku materijalnu situaciju, prilaže:

a) potvrdu/uvjerenje o prebivalištu (koja nije starija od 60 dana, original);

b) izjavu o zajedničkom domaćinstvu (koja nije starija od 60 dana, original);

c) rješenje o porodičnoj invalidnini;

d) rješenje o ličnoj invalidnini;

e) potvrdu/uvjerenje o statusu člana porodice poginulog branioca (koja nije starija od 60 dana, original ili ovjerenu kopiju);

f) potvrdu/uvjerenje o statusu ratnog vojnog invalida (koja nije starija od 60 dana, original ili ovjerenu kopiju);

g) potvrdu/uvjerenje o pripadnosti Oružanim snagama (koja nije starija od 12 mjeseci, original ili ovjerenu kopiju);

h) potvrdu/uvjerenje centra za socijalni rad o stalnoj socijalnoj zaštiti (koja nije starija od 60 dana, original);

i) potvrdu/uvjerenje centra za socijalni rad o broju članova porodice koji primaju dječji doplatok (koja nije starija od 60 dana, original);

j) potvrdu/uvjerenje o upisu u tekuću školsku godinu, za dijete koje je redovan učenik osnovne ili srednje škole ili redovan student (original ili ovjerenu kopiju);

k) izvod iz matične knjige rođenih, za dijete predškolskoga uzrasta (original ili ovjerenu kopiju);

l) kopiju kartice tekućeg računa.

(2) Uz dokumentaciju iz stava (1) ovog člana može se tražiti i druga dokumentacija koja je potrebna za utvrđivanje pravno relevantnih činjenica neophodnih za donošenje rješenja o ostvarivanju prava na novčanu pomoć u izuzetno teškoj materijalnoj situaciji.

## Član 11.

**(Iznosi pomoći)**

Novčana pomoć iz člana 9. ovog Pravilnika odobrava se u iznosima kako slijedi:

- a) do dva člana porodičnog domaćinstva.... 500,00 KM;
- b) tri člana porodičnog domaćinstva..... 600,00 KM;
- c) četiri člana porodičnog domaćinstva ..... 700,00 KM;
- d) pet članova porodičnog domaćinstva..... 800,00 KM;
- e) šest članova porodičnog domaćinstva..... 900,00 KM;
- f) sedam članova porodičnog domaćinstva .....
- ..... 1.000,00 KM;
- g) osam članova porodičnog domaćinstva .....
- ..... 1.100,00 KM;
- h) devet i više članova porodičnog domaćinstva .....
- ..... 1.200,00 KM.

## DIO ČETVRTI – PRIJELAZNE I ZAVRŠNE ODREDBE

## Član 12.

**(Dodjela pomoći)**

(1) Novčana pomoć prema odredbama ovog Pravilnika može se odobriti kako slijedi:

- a) za liječenje, jednom u toku godine;
- b) za sufinansiranje nabavke ortopedskog pomagala, jednom u toku godine;
- c) za tešku materijalnu situaciju, jednom u toku godine.

(2) Ostvarivanje prava na pomoć prema jednoj osnovi iz stava (1) ovog člana nije smetnja za ostvarivanje prava na pomoć prema drugoj ili trećoj osnovi iz stava (1) ovog člana.

## Član 13.

**(Podnošenje zahtjeva)**

Zahtjev za novčanu pomoć podnosi se Kantonalnoj upravi za braniocce, neposredno ili poštom.

## Član 14.

**(Donošenje rješenja)**

Za novčanu pomoć odobrenu prema odredbama ovoga Pravilnika Kantonalna uprava za braniocce donosi rješenje.

## Član 15.

**(Izdvajanje finansijskih sredstava)**

Finansijska sredstva za novčane pomoći prema ovom Pravilniku osiguravaju se u Budžetu Srednjobosanskog kantona.

## Član 16.

**(Uplata finansijskih sredstava)**

Finansijska pomoć odobrena prema odredbama ovog Pravilnika uplaćuje se na tekući račun branioca ili supružnika umrlog branioca.

## Član 17.

**(Rješavanje neriješenih zahtjeva)**

Postupak ostvarivanja prava koji je pokrenut a nije riješen prije stupanja na snagu ovog Pravilnika okončat će se prema odredbama ovog Pravilnika.

## Član 18.

**(Prestanak primjene)**

Ovim Pravilnikom zamjenjuje se Pravilnik o ostvarivanju prava na novčanu pomoć („Službene novine Srednjobosanskog kantona“, broj 1/19).

## Član 19.

**(Stupanje na snagu)**

Ovaj Pravilnik stupa na snagu sljedećeg dana od dana objave u „Službenim novinama Srednjobosanskog kantona“.

Broj: 11-02-8563/23  
1. decembra 2023.  
Travnik

RAVNATELJ  
KANTONALNE UPRAVE  
Esad Crnica, v. r.

Na ovaj Pravilnik o ostvarivanju prava na novčanu pomoć, broj 11-02-8563/23 od 1. decembra 2023. godine, saglasnost je dala Vlada Srednjobosanskog kantona na 25. sjednici, održanoj 7. decembra 2023. godine, Odlukom o davanju saglasnosti, broj 01-11.7-9225/23 od 7. decembra 2023. godine.